

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी अज्ज नमीं दिल्ली दे भारत मंडपम च इंडिया ए.आई इम्पैक्ट सम्मेलन दा उदघाटन करगंन।
2. ब्रिटेन दे साबका प्रधानमंत्री ऋषि सुनक होरें आखेया ऐ जे भारत- ए.आई दे खेतर च अगुआ बनने ते समाज च एहदे व्यापक इस्तेमाल गी प्रदर्शित करने लेई मती बेहतर स्थिति च ऐ।
3. भारत खाद्य निगम -FCI नै वैश्विक भुक्खमरी कन्नै निब्बड़ने लेई 2 लक्ख मीट्रिक टन चौलें दी सप्लाई लेई विश्व खाद्य कार्यक्रम दे कन्नै समझौता जापन पर दस्तखत कीते न।
4. देशै च अज्जै थमां रमजान दा पवित्तर म्हीनां शुरु होई गया ऐ। प्रधानमंत्री नरेन्द्र मोदी होरें इस मौके पर लोकें गी मुबारकबाद दिती ऐ।
5. मर्दे दे आई.सी.सी टी-20 क्रिकेट विश्व कप च मजूदा चैम्पियन भारत नै कल अहमदाबाद दे नरेन्द्र मोदी स्टेडियम च ग्रुप-ए दे अखीरले मुकाबले च नीदरलैंड गी 17एं रन्जें कन्नै हराई दिता ऐ।
6. ते 6मीं राष्ट्री रॉफ्टिंग चैम्पियनशीप Ultimate River Battle अज्जै थमां जम्मू-कश्मीर दे डोडा जिले दे शिबनोट च शुरु होआ करदी ऐ।

<><><><><><>

PM –AI Summit

प्रधानमंत्री नरेन्द्र मोदी अज्ज नमीं दिल्ली दे भारत मंडपम च इंडिया ए.आई इम्पैक्ट Summit 2026 दा उदघाटन करगंन। उदघाटन समारोह गी फ्रांस दे राष्ट्रपति इमैनुअल मैक्रों, संयुक्त राष्ट्र दे महासचिव एंटोनियो गुतेरेस ते दुनिया भरै दे केंई बड्डे उद्योगपति बी सम्बोधित करगंन। उदघाटन समारोह दे बाद एह नेता इंडिया ए.आई इम्पैक्ट एक्सपो दा दौरा करगंन। श्री मोदी हो'र संजा'लै मुख कार्यकारी अधिकारियें दी गोलमेज़ वार्ता च बी शामिल होगंन। एह मंच आलमी सतह दियें बड्डी तकनीकी ते औद्योगिक फर्म दे वरिष्ठ अधिकारियें गी सरकारी नेतृत्व कन्ने बक्ख-बक्ख खेतरें च गल्लबात दा मौका उपलब्ध करोआग। इंडिया ए.आई इम्पैक्ट सम्मेलन दा विशे सार ऐ- “सर्वजन हिताय - सर्वजन सुखायः” यानि सब्भनें दा कल्याण ते सब्भनें दी खुशी। एहदा मकसद भारत गी ए.आई दे खेतर च अगुआ बनाना ऐ। एह सम्मेलन आलमी सतह दे 500 नेताएं- 100 कार्यकारी अधिकारियें- 150 शिक्षाविदे ते शोधकर्ताएं सनें 20 शा मते राष्ट्र अध्यक्षें गी इक सांझे मंच पर आहन्ना करदा ऐ।

<><><><><><>

Rishi Sunak-AI India

ब्रिटेन दे साबका प्रधानमंत्री ऋषि सुनक हो'रें आखेया ऐ जे भारत आर्टिफीशल इंटेलिजेंस दे खेतर च अगुआ बनने ते समाज च एहदे व्यापक इस्तेमाल गी प्रदर्शित करने लेई बडी बेहतर स्थिति च ऐ। नमीं दिल्ली च आयोजिति इंडिया ए.आई इम्पैक्ट सम्मेलन दे दुरान श्री सुनक हो'रें इक कार्यक्रम च आखेया जे

भारत च ए.आई दे प्रति बड़ा आशावाद ते विश्वास ऐ- जिसले के पच्छम च इस बेल्ले चैंता दा माहौल बने दा ऐ। उ'नें आखेया जे भारत नै एह पंछानी लैता ऐ जे टैक्नोलजी च नेतृत्व छड़ा ओदे आविष्कार पर नैई- सगुआं एहदे इस्तेमाल दे तरीके पर निर्भर करदा ऐ। उ'नें आखेया जे Stanford Global AI Vibrancy 2025 दी रिपोर्ट च भारत गी ए.आई मुकाबलेबाज़ी ते सरबंधत तंत्र दी जीवंतता लेई त्रीया थाहर दिता गया ऐ।

<><><><><><>

#### AI Advisory

इलैक्ट्रानिक्स ते सूचना प्रोद्योगिकी मंत्रालय नै नमीं दिल्ली दे भारत मंडपम च आयोजित इंडिया ए.आई इम्पैक् समिट दे मददेनजर इक सामान्य परामर्श जारी कीता ऐ। एदे च पंजीकृत प्रतिनिधियें आस्तै संशोधित प्रवेश ते सुरक्षा बवस्था दा जिक्र कीता गेआ ऐ। परामर्श मूजब भारत मंडपम एक्सपो एरीना- पंजीकृत ते एक्सपो प्रतिनिधियें आस्तै बंद रहोग- जिसलै कि कन्वेंशन सेंटर च दाखला छड़ा साददे राएं गै होग। मंत्रालय नै साफ कीता जे उदघाटन समारोह आस्तै मान्य बैज रक्खने आहले- सददे गेदे लोकें गी बड्डलै 6 बजे सोयां गेट नम्बर 4 जां गेट नम्बर 10 दे राएं अंदर औने दी इजाजत होग। एहदे च एह बी दस्सेया गया ऐ जे गेट नम्बर 5-A गी बड्डलै साड्डे 7 बजे तगर ते फही 11 बजे मगरा सददे गेदे मीडिया कर्मियें आस्तै रक्खेया गया ऐ। परामर्श च सददे गेदे लोके- वक्ताएं ते मौजूद लोकें सनें पंजीकृत प्रतिनिधियें गी संशोधित प्रवेश बवस्था गी ध्यानै च रक्खने दा आग्रह कीता ऐ।

<><><><><><>

Jaishankar- Japan

विदेशमंत्री डाक्टर एस. जयशंकर होरें तोशिमिासु मोटेगी होरें गी जापान दे विदेश मंत्री दे तौर पर परतिये नियुक्त होने पर बदाई दिती ऐ। डाक्टर जयशंकर होरें सोशल मीडिया पोस्ट च आखेया जे एह खास रणनीतिक ते वैश्विक सांझेदारी आस्तै भारत-जापान सहयोग गी अगगे बदाने दे मकसद कन्नै उन्दे कन्नै रलिये कम्म करने लेई उत्सुक न।

<><><><><><>

FCI- MoU

भारतीय खाद्य निगम- FCI ते विश्व खाद्य कार्यक्रम -WFP नै आलमी सतह पर भुक्खमरी कन्नै निब्बइने लेई इक महत्वपूर्ण समझौता जापान उप्पर दस्तख्त कीते न। उपभोक्ता मामलें- खुराक ते सार्वजनिक बंड सरबंधी केन्द्री मंत्रालय नै दस्सेया ऐ जे भारती खाद्य निगम इस समझौता जापान दे तैहत विश्व खाद्य कार्यक्रम गी 2 लक्ख मीट्रिक टन चौले दी आपूर्ति करोग। खुराक ते सार्वजनिक बंड सरबंधी विभाग दे सचिव संजीव चोपड़ा होरें आखेया ऐ जे एह समझौता- कुसै गी बी भुक्खा नेंई रौहन देने दे भारत दे पक्के धेइये गी दर्शादा ऐ। उ'नें आखेया ऐ जे भारत- कुपोषण ते खाद्य असुरक्षा कन्नै निब्बइने च आलमी बिरादरी दे कन्नै खड़ोते दा ऐ।

<><><><><><>

Ramzan

कल देशै दे केई हिस्सें च चन्न नजरी औने दे कन्नै गै अज्जै थमां रमज़ान दा पवित्तर म्हीनां शुरु होई गया ऐ। अज्ज रमज़ान दा पैहला रोज़ा ऐ। एह इस्लामी कलेंडर दा 9मां रोज़ा ऐ ते रोज़े दे इस महीने दे अखीरै च ईद-उल -फितर मनाया जंदा ऐ। सोशल मीडिया दी इक पोस्ट राहें प्रधानमंत्री नरेन्द्र मोदी होरें लोकें गी रमज़ान दे शुरु होने पर मुबारकबाद दिती ऐ।

<><><><><><>

US Prez- Peace Meeting

अमरीका दे राष्ट्रपति डोनाल्ड ट्रम्प अज्ज शांति बोर्ड दी बैठक दी प्रधानता करगंन। इस मौके पर ओह 20 सदस्य देशें आसेया गाज़ा लेई दिती गेदी 5 अरब डालरें दी माली मदाद दा ऐलान बी करगंन। व्हाईट हाऊस दियें प्रेस सचिव कैरोलिन लीविट होरें मीडिया कर्मियें गी इस बारे जानकरी दिंदे होई दस्सेया जे शांति बोर्ड दी बैठक च इज़राईल ते हमास बश्कार जारी जंग दे दरान गाज़ा च शांति बनाई रक्खने पर चेचा ध्यान दिता जाहग। ईरान दे कन्नै परमाणु समझौते बारे बोलदे होई लीविट होरें आखेया जे ईरान दे खलाफ फौजी कार्रवाई शा पैहले अमरीकी राष्ट्रपति ट्रम्प इस मुद्दे गी गल्लबात दे राहें हल करी लैने दी इच्छेया रक्खदे न।

<><><><><><>

Men's T-20 WC



6मीं राष्ट्रीय Rafting प्रतियोगिता डोडा जिले दी Shibnote थाहर अज्जै थमां शुरु होआ रदी ऐ ते एह प्रतियोगिता 22 फरवरी तगर जारी रौहग। आकाशवाणी जम्मू दे संवाददाता दी रिपोर्ट मुजब प्रशासन आस्सेया 4 रोजा इस राष्ट्रीय कार्यक्रम लेई लोड़चदे सुरक्षा सनें होर दुए सारे बंदोबस्त कीते गेदे न। एदा सरिस्ता जम्मू-कश्मीर सैलसफा मैहकमे आसेया जिला प्रशासन डोडा द सहयोग कन्ने कीता जा'रदा ऐ। इस प्रतियोगिता च केई सारियां टीमा हिस्सा लैगंन। एदा मकसद जम्मू-कश्मीर दी साहसिक सैलसफा समर्थ गी दर्शाना ते पानी आहली खेड्डें च खितें दी समर्थ गी उजागर करना ऐ।

<><><><><><>